

برنجی سنہ ۱ غروشدر.

برنجی سنہ ۱ غروشدر.

مجموعہ کتب

استانبول ایچون آیوہ بازار. بوناز ایچی داخل اولدینی
حالدہ خراج ایچون بر سنهک آیوہ بدلی — پوسنه
اجریله برابر — یاریم عثمانی لیراسیدر.

مرکزی ابو السعود چاده سنه ۱۸ نومرولو دکاندر.
کوندریله جک اوراق معز نامنه اورایه کوندریلمیدر.
پوسنه اجری ویرلامش مکاتب قبول اولغاز.

فی ۶ ذی الحجہ سنہ ۱۳۰۵ (معارف نظارتک رخصتیله هفته دہ بر دفعہ نشر اولنور) فی ۳ آغستوس سنہ ۱۳۰۴

دقائق الحقائق

مؤانی : ابن کال

مابعد

—۱—

سخن - گفتار

(سخن) حرف سینک فحسیله و حرف خالک ضمه سیله
مستعملدر. نیتہ کم بو پیتده واقع اولودر :

(فاحه فکرت و ختم سخن)

(نام خداست برو ختم کن)

حرف سینک ضمه سی و حرف خالک فحسیله ده استعمال
اولنور. نیتہ کم بو پیتده واقع اولودر :

(بسا جایها گفته اند این سخن)

(بکن نیکوئی و بدیای فکرن)

معنایی (سوز) در که لسان عربیده آکا (کلام) در لرلر. لفظی به
ونقی به (کلام) نیتہ شامل ایسه نیتہ کم بویت آکا دلالت ایدر :

(ان الکلام لی الفؤاد و انما)

(جمل اللسان علی الفؤاد دلایلا)

(سخن) دخی (سوز) دخی اولیه شاملدر. هر بریسنه اطلاق
اولنور. کلام ملفوظه سخن دیدکاری بویتدن ظاهردر :

(سخن آخر بدن می گذرد مودی را)

(سخن تلخ نخواهی دهش شیرین کن)

کلام نفسینک منبی فؤاد اولدینغه که لسان ترکیده آکا (کوکل)
در لرلر. بو پیتلرده اشارت واردر :

(کوهر کان کن فکان سوزدر)

(بوکلای ایشیت قالان سوزدر)

(بجر قدردنر آدمی زاده)

(صدف اولمشدر کوکل سوزدر)

سوزه هنوز تلفظ اولدین (سخن) اطلاق اولدینی
خواجه حافظک بو پیتدن ظاهردر :

(زبان کلک تو حافظ چه شکر آن گوید)

(که گفته سخنش می زند دست بدست)

(گفته سخن) که معنایی که (سوزک سولنشی) دیدمدر.
دلالت ایدر که سوزک هنوز سولناشته دخی (سوز) اطلاق

اولنور ایتمش. سولندکن صکره سوزه (سخن گفته) در لرلر.
دخی سولندین سوزه (سخن ناکفته) در لرلر. نیتہ کم بو پیتدن

ظاهردر :

(بسی گفته اند این مثل درجهان)

(سخن گفته سیمت و نا گفته زر)

نیت اولی بودر :

(بگفتار بسیار کم کن شتاب)

(که خاموش بودن به از درد سر)

(گفته) و (ناگفته) سوزک صفیدر اما (سخن گفته) و
(سخن ناکفته) متکلمک صفیدر. نیتہ کم شیخ - معدینک بو
پیتدن ظاهردر :

(تامرد سخن نکفته باشد)

(عیب و هنرش نهفته باشد)

(نکفته) نک اصلی (ناگفته) در. (نا) دن الف حذف او.
لشدر. تخفیفاً الفک حذف لسان فارسیده شایعدر. نیتہ کم
مواقع متعدده مثاللری کسه کر کردر باذن الله تعالی.

(گفتار) که معنایی سوزی دیزمکدر. انجیو دیزر کی که
عرب آکا (نظم کلام) دیر. نیتہ کم فردوسینک بو پیتدن
ظاهردر :

(بعبری زبان نیز بکشد)

(بگفتار داد سخن داده)

(گفتار) کاف عجمینک ضمه سی ایله در. کاف عربینک
فحسی ایله اولنجق معنایی (صرتلان) در. (گفتار) (رفتار)
و (دیدار) کیدر. ترکیبی خفی اولان الفاظ مرکبه دندر. مذکور
الفاظک بر جزو لری (آر) در. کتیریجی معناسنده در. اسم
فاعلدر (آوردن) دن. اصلی (آرنده) در. ترخیم اولمشدر.
(ترخیم) آخر کلمه دن بعض حروفک حذفدر. لسان فارسیده
شایعدر. مواضع کثیرده امثله سنه اطلاع حاصل اولسه کر کردر
باذن الله تعالی.

(گفتار) که معنایی ترکیبی (سوز کتیریجی) در. نظم
کلامه. سوزی کتیرمه باعث اولدینی ایچون (گفتار) دیدیلر.
باعث فعله فاعل اسمن استعاره ایدرلر. هر بدلهه واقع وشایعدر.

ترتیب ترکیب مقتضاسی عبارت (آر) ی که مضافدر. (گفت)
اوزرینه که مضاف الیدر. تقدیم ایدیلر. مذکور لفظ معنایی
عام ترکیبدن معنایی خاص علیه نقل اولنجق قاعده ترکیب تغیر
اولوب مضاف الیه تأخیر اولندی و بو تغیر مذکور تفکک جمله
علامتدندر. بر درلو دخی علامتی واردر. بری کلدکده تنبیه
اولنسه کر کردر باذن الله تعالی.

(مابعدی وار)